

四庫全書

子部

欽定四庫全書

古今事文類聚續集卷十七

宋 祝穆 撰

食物部

餅

附 湯餅

羣書要語餅并也搜麥麵使合并也胡餅言以胡麻着之蒸餅湯餅不飪皆隨形而名也

釋名

餅謂之飪或謂之

饌或謂之餠

方言

餅麵食也

說文

春祠用曼頭餠餅餠餅牢

九秋冬亦如之夏祠則用乳餅冬祠用環餅也

盧謀祭法

石

季龍諱胡改胡餅曰麻餅

崔鴻前趙錄

晉書中有飲食名寒

具者後於齊民要術并食經中檢得是今所謂環餅也

尚書故實

畫地作餅不可喫

魏盧敏傳

細如華山玉屑白似梁甫

銀泥

吳齋前記

詩曰呼兒跪酒樽戒婦饌湯餅

山谷

槐夏莫問塗麥秋宜

煮餅

山谷

湯餅一盃銀線亂萋萋數筋玉簪橫

山谷

古今事實

買餅即大售

漢宣帝微時每買餅所從買家輒大售

漢書

胡餅成讖

漢靈帝好胡餅京師皆食胡餅後董卓擁胡兵破京師

之驗

續漢書

賣餅逃難

見避禍門

逢仙進餅

壺公者從遠方來賣藥常懸一壺于坐上每日入後跳

入壺中費長房于樓上見之知非常也身為掃除并進餅公令長房同跳入壺但見樓觀五色重門閣道侍者

數十人

神仙傳

坦腹嚙餅

王羲之幼有風操郗虞卿選壻見羲之坦腹東牀嚙胡餅神色自若

惠餅充饑

王歡耽學貧窶或人惠蒸餅一顆以充一日妻子常有

菜色

蒸餅拆十字

晉何曾位太宰性豪奢厨饌滋味過於王者每燕見不食太官所設帝輒命取其食蒸餅不拆作十字不食食日萬錢猶曰無下箸處人以小紙為書者敕記室勿報其子邵亦有父風食必盡四方珍異一日之供以錢二萬為限

熱餅出汗

何晏字平叔美姿儀面絕白魏文帝疑其著粉後正夏月墜來與熱餅既噉之久汗出隨以朱衣自拭色轉皎

潔帝始信之

語林

貸錢賣餅

見商賈門

裹蒸

齊明帝儉約太官進食有裹蒸帝曰我食此不盡可四

片破之餘充晚食

齊書

怒去餅緣

後周王罷鎮河東日嘗有臺使至為設食使乃使裂去
薄餅緣罷怒曰耕種收穫其功已深春爨造成用力不
少爾之選擇當是未饑命左右撤之使者大慙 李英
公為相有鄉客過宅為設食客去餅緣公責之客大慙

南部

新書

怒去餅皮

鄭澣以儉素自居尹河南召甥姪與之會食有蒸餅鄭
孫去其皮而後食之澣大嗟怒謂曰皮之與中何以異

也僕嘗病澆俗驕侈自奉柰何嚚浮甚於五侯家綺紈
乳臭兒也耶因引手取所棄者鄭孫錯愕失據器而奉
之澣盡食焉

袖包蒸胡

劉晏五鼓入朝時寒中路見賣蒸胡處熱氣騰輝使人
買以袍袖包裙褐底啗之謂同列曰美不可言

隋唐
嘉話

籠餅縮葱

侯思正食籠餅必令縮葱加肉號縮葱侍郎即今饅頭

朝野

僉載

古今文集

雜著

餅賦

晉束皙

禮仲春之月天子食麥而朝事之籩煮麥為麵內則諸饌不說餅然則雖云食麥而未有𪔑𪔑之作也其來近矣若夫安乾粃粃之倫糲耳狗后之屬餽業案成餽餽髓燭或名生於里巷或法出乎殊俗三春之初陰陽交

際寒氣既消溫不至熱于時享宴則饅頭宜設炎律方
回純陽布暢服絺飲水隨陰而涼此時為餅莫若薄壯
商風既厲大火西移鳥獸氄毛樹木疏枝肴饌尚溫則
起漉可施玄冬猛寒清晨之會涕凍鼻中霜成口外充
虛解戰湯餅為最然皆用之有時所適者也苟錯其次
則不能斯善其可以適冬達夏終歲常施四時從用無
所不宜唯牢九乎爾乃重羅之麪莫見切塵飛雪白黏韌
筋膈滌液柔澤肉則羊膀豕脅脂膚相半齏若繩首珠

連礫散薑株葱本峯縷切判辛桂劉末椒蘭是伴和鹽
漉豉攪合糲亂於是火盛湯涌猛氣蒸作攘衣服振掌
握搦俯搏麵彌離於指端手縈迴而交錯紛紛馭馭星
分電落籠無遺肉餅無流麵妹媮洌敕薄而不綻鴛鴦
和和臙色外見柔如春綿白若秋練氣勃鬱以揚布香
飛散而遠遍行人失涎於下風童僕空嚼而斜盼擎器
者舐脣立侍者乾咽爾乃濯以玄醢鈔以象箸槃案纒
投而輒盡庖人滲潭而促遽三籠之後轉更有次

莫曉其名

京師食店賣餛飩大書牌榜俚俗轉食從酸轉餛飩從陷
有人云本家賣俊叻不知何物也湯餅唐人謂之不飩
今日餛飩晉束皙餅賦有饅頭薄持起溲牢九惟饅頭
名存而薄持起溲牢九莫曉何物薄持荀氏又曰薄夜
亦莫知何物也湯餅濕麵也

歸田錄

餅各有名

煮餅其來久矣按後漢梁異傳云進鴈加煮餅又齊高

帝好食水引餅倦游錄乃謂今人呼煮麪為湯餅誤矣
余謂凡以麪為食具者皆謂之餅故火燒而食者呼為
燒餅水淪而食者呼為湯餅籠蒸而食者呼為蒸餅而
饅頭謂之籠餅是也

湘素
雜記

餅為寒具

晉人飲食中有寒具者乃今環餅也桓玄嘗以書畫聚
人觀之有食寒具者不濯手執書畫污之自是不設

雞跖

集

古詩

槐葉冷淘

杜甫

青青高槐葉，掇付中厨新。
麪來近市，汁滓宛相俱。
入鼎資過熱，加餐愁欲無。
碧鮮俱照筯，香飯兼苞蘆。
經齒冷于雪，勸人投比珠。
願隨金轡裏，走置錦屠蘇。
路遠思恐泥，興深終不渝。
獻芹則小小，薦藻明區區。
萬里露寒殿，開冰清玉壺。
君王納涼晚，此味亦時須。

鹽

羣書要語鹽曰鹹齏

禮文

潤下作鹹

書

東方謂之斥西方

謂之鹵河內謂之鹹

說文

夫鹽食肴之將

前食貨志

漉沙結白

熬波出素積雪中春飛霜暑路

張融海賦

詩句調和進梅鹽

韓

俎豆羅醯鹽

荆公

豈是聞韶解忘味

邇來三月食無鹽

坡

古今事實

禹貢鹽

禹貢青州厥貢鹽絺

傳說為鹽梅

高宗命傳說作相曰若作和羹爾惟鹽梅

周立鹽官

周鹽人掌鹽之政令以共百司之鹽

周禮

形鹽

王使周公閱來聘享有昌歆白黑形鹽辭曰國君文足
昭也武可畏也則有備物之享象其德薦五味羞嘉穀
鹽虎形以獻其功吾何以堪之

左

齊立鹽筴

齊桓公問何以爲國管子曰惟官山海可耳海王之國
謹立鹽筴十口之家十人食鹽百口之家百人食鹽公
乃使糶之得成金萬斤

管海
王論

吳王煮海

漢吳王濞東煮海水爲鹽

本
傳

漢與牢盆

漢武帝財用匱竭孔僅咸陽言山海天地之藏願募民

因官器作鬻鹽官與牢盆注牢盆者廩食也古名廩為

牢盆者煮鹽盆也

食貨志

喪不食鹽

齊崔慰祖喪父不食鹽母曰汝既無兄弟又未有子毀不減性故當不進肴羞耳如何去鹽吾今亦不食矣慰祖不得已從之

唐始推鹽

初推鹽起於第五琦及劉晏代其任法愈精密官無遺

利初歲入錢六十萬貫季年十倍而人無厭苦大厯末
通計一歲征賦所入而鹽醴當天下大半之賦

古今文集

雜著

晉問

柳宗元

柳先生曰猗氏之鹽晉寶之大也人之賴之與穀同化
若神造非人力之功也但至其所則見溝塍畦畹之交
錯輪囷若稼若圃敞兮均均渙兮鱗鱗漚漚紛屬不知

其垠俄然決源醞流交灌互澍若肢若股委屈延布脉
寫膏浸漑濕滑汨彌高掩痺漫瓏冒塊決決沒沒遠近
混會抵值隄防嚶瀛濡濊偃然成淵濡焉成川觀之者
徒見浩浩之水而莫知其所以及神液陰灑甘鹵密起
孕靈富媪不愛其美無聲無形燦結迅詭迴眸一瞬積
雪百里晶晶幕幕奮價離析鍛圭推壁眩轉的皪乍似
隕星及地明滅相射水裂電碎寵從增益大者印疊小
者珠剖湧者如坻坳者如缶日晶熠煜螢駭電走亘步

盈車方尺數斗於是哀歛合集舉而堆之皓皓乎懸圃之巍巍皜皜乎溟溟乎狂山太白之淋漓駭變化之神奇卒不可推也然後驢騾牛馬之運西出秦壟南過樊鄧北極燕代東逾周宋家獲作鹹之利人被六氣之用和鈞兵食以征以貢其賚天下也與海分功可謂有濟矣若是何如吳子曰魏絳之言曰近寶則公室乃貧豈謂是耶雖然此可以為利民矣而未為民利也先生曰願聞民利吳子曰安其常而得其所欲服其教而便於已百

貨通行而不知所自來老幼親戚相保而無德之者不
苦兵刑不疾賦力所謂民利民自利者是也

宋朝產鹽之地

鹽有二類引池而化者周官所謂監鹽也今謂之顯鹽
或煮海或煮井或主鹺而成者周官所謂散鹽也今謂
之末鹽引池為民給役謂之畦戶煮海為鹽曰京東河
北淮南兩浙福建廣南凡六路其煮鹽之地曰亭場民
曰亭戶或謂竈戶戶有鹽丁歲課入官受錢或折租賦

兩浙又役軍士煮焉煮井則川陝四路大為監小為井
監則置官井則募土民或役衙前主之煮鹹則河東并
州永利監凡顆鹽末鹽皆以五斤為斗

長編

青州鹽出於

東海幽薊大同橫野有鹽池其鹽出於北海嶺南鹽出
於南海劒南西川鹽出於井永康軍鹽出於巖井并州鹽
出於池是為鹵地胡中鹽出於木又有出於石西夏鹽
有池其鹽青

會要

論邛州鹽井

邛州蒲江縣乃祥符中民王鸞所開自慶厯皇祐以來
始創筒井用園刀鑿山如盃大深者數十丈以巨竹去
節牝牝相銜為井以隔橫入淡水則鹹水自上又以竹
之差小者出入井水為桶無底而竅其上懸熟皮數寸
出入水中氣自呼吸而啓閉之二筒致水數斗凡筒井
皆用機械利之所在人無不知後漢書有水韜法惟蜀
中治鐵用之大略似鹽井取水筒太子賢不識妄以意

解非也

東坡
志林

論陵州及大寧鹽井

陵州井乃東漢張道陵所開曰狼毒井有毒龍藏井中及鹽神玉女二十為祟天師以道力驅出毒龍禁玉女於井下然後人獲鹹泉之利

郡志

陵州鹽井陰氣襲人入

者輒死候雨入者則隨雨施工後人以木盤滿中貯水底鑿小竅釀水如雨點設於井上謂之雨盤終日不絕

井幹於是一新

沈筆談

大寧之井鹹泉出於山竇間有如

飛瀑民間分而飲之

朝野雜記

古詩

鹽商婦

白居易

鹽商婦多金帛不事田農與蠶績
南北東西不失家風
水為鄉船作宅本是揚州小家女
嫁得江西大商客
綠鬟偏雲金釵多皓腕肥來銀釧窄
前呼蒼頭後呼婢問爾因何得如此
婿作鹽商十五年不屬州縣屬天子
每年鹽課納官時少入官家多入私
官家利薄私家厚鹽鐵尚書遠不知
何況江頭魚米賤紅鱸黃橙香稻飯
飽

食濃粧倚施樓兩朶紅顙花欲綻鹽商婦有幸嫁鹽商
終朝美飲食終歲好衣裳好衣須食有來處亦須慚愧
桑弘羊桑弘羊死已久非獨漢朝今亦有

餽送部

餽遺

羣書要語以致稍餽

周禮

雜佩以贈之

女曰雞鳴

投我以木瓜

報之以瓊琚匪報也永以為好也

木瓜

苞苴

少儀

嘉貺

左傳

小

夫之智不離苞苴犢

列子

折䟽麻兮瑤華將以遺兮離

居

楚辭

以金珠為脯醢以契券為詩文

朱文公集

詩句折梅逢驛使聊贈一枝春

陸凱寄范蔚宗

美人贈我錦繡

段何以報之青玉案美人贈我金錯刀何以報之英

瓊瑤美人贈我貂襜褕何以報之明月珠

張平子四愁

古今事實

贈以束帛

孔子遭程子於塗謂子路曰取束帛以贈先生

家語

受餐反壁

晉公子重耳及曹僖負羈之妻曰吾觀晉公子從者皆足以相公子必反其國若反其國必得志於諸侯而誅無禮曹其首也子盍早自貳焉乃饋盤餐置壁焉

臣無境外

之交故用盤藏璧餐中不欲令人見

公子受餐反壁

左

受羹反錦

叔鮒欲求貨於衛淫翦莠者衛人使屠伯饋叔向羹與一簋錦曰諸侯事晉未敢携貳况衛在君之宇下而敢有異志翦莠者異於他日敢請之叔向受羹反錦

左

獻苧衣

吳季札聘于鄭見子產如舊相識與之縞帶子產獻苧衣焉注吳地貴縞鄭地貴紵故各獻所貴

襄二
十九

十漿饋五

列子之齊中道而返遇伯昏瞀人瞀人曰奚方而反曰吾驚焉惡乎驚曰吾食於十漿而五漿先饋伯昏瞀人曰若是則汝何為已驚曰夫漿人特為食羹之貨多餘之

漿人之饋我者非貴我
贏也蓋貨我以自盈耳

其為利也薄其為權也輕而

猶若是而况萬乘之主身勞於國而智盡乎事彼將任我以事而效我以功吾是以驚也

列子

負暄獻君

宋有田父暨春東作自曝於日不知天下之有廣廈隩室綿纊狐貉顧謂其妻曰負日之暄人莫知者以獻吾君當有厚賞也其室告之曰昔人有美戎葵甘泉莖芹萍子對鄉豪稱之鄉豪取嘗之蜚於口慘於腹衆哂之

列子

楊朱

按列子所載止如此嵇叔夜與山巨源絕交書云
野人有快曝背而美芹子欲獻之至尊後世遂有
獻芹之說實無所出嵇叔夜合而言之耳

饋米而受

後漢卓茂為密令人有言部亭長受其米肉遣茂問亭
長從汝求乎人曰往遺之耳茂曰遺之而受何故言耶
戒勿受饋

王述家貧來試宛陵令頗受饋遺而修家具王遵使謂

之曰名父之子不患無祿屈臨小縣甚不宜耳述答曰
足自當止後屢居州郡清潔絕倫祿賜皆散之親故

對壘受藥

羊祜與吳將陸抗相對使命交通抗稱祜之德量樂毅
孔明不能過抗嘗病祜饋之藥服之無疑心人多諫抗
曰羊叔子豈醜人者

物微意全

紀瞻帖云自昨信求今又益貧無以將意粉二斗所謂

物微意全者也

法帖

一味亦分

王羲之食有一味之甘割而分之

同上

饋遺不分

梁朱異性吝每四方饋遺財貨充積未嘗散施厨下珍羞腐爛每月嘗棄十數車雖諸子别房亦不分贍

誣以受贓

有布衣張子路上書言李泌之短德宗殺之謂泌曰朕

皆得其誣妄且云卿受嚴震獅子百枚計價二萬貫朕料必是沙糖獅子山南地貧何處有許金又人家用一百箇金獅子作何物試使人潛勘送沙糖使猶在城卿避嫌疑諸道寄荅及口味悉皆拆開將入此賊遂敢誣罔故處置之

高士傳

饋瓜子金

宋太祖朝趙韓王普為相車駕因出忽幸其第時兩浙王俶方遣使致書及海物十餅於韓王在廡下會車駕

至倉卒出迎未屏也上顧見問何物韓王以實對上曰
此海物必佳即令啓之皆滿貯瓜子金韓王惶恐頓首
謝曰臣未發書實不知若知之當奏聞而却之上笑曰
但取之無慮彼謂國家事皆由汝書生耳因命謝而受
之

獻楊梅仁

王薊字豐父守會稽童貫時方用事貫苦脚氣或云楊
梅仁可療是疾豐父哀五十石以獻之後擢待制再任

不歷貼職徑登次對惟豐父一人

揮塵錄

辭粟

以下條
不受

子列子窮容貌有饑色客有言之鄭子陽者曰列禦寇
有道之士也子陽遺之粟列子再拜而辭孔子曰我則
異於是無可無不可

列子

辭邑

曾子衣敝衣以耕魯君使人往致邑焉曰請以此修衣
曾子不受反復往往不受使者曰先生非求於人人則

獻之奚為不受曾子曰參聞之受人者畏人予人者驕
人縱子有賜不我驕也我能勿畏乎終不受孔子聞之
曰參之言足以全其節

說苑

辭裘

子思居於衛緼袍而無裘二旬而九食田子方聞之使
人遺狐白之裘恐其不受因謂曰吾假人遂忘之吾與
人也如棄之子思辭而不受子方曰我有子無何故不
受子思曰伋聞之妄與不如遺棄物於溝壑伋雖貧也

不忍以身為溝壑是以不敢受也

說苑

餽金不受

見餞送門

遺米不受

見米門

遺魚不受

公儀休相魯客有遺相魚者相不受客曰聞君嗜魚何

故不受相曰以嗜魚故不受也今為相能自給魚今受

魚而免誰復給我魚者

史記

受魚懸庭

見魚門

麾其梁肉

宋陶潛躬耕自資遂抱羸疾江州刺史檀道濟往候之
偃卧瘠餒有日矣檀道濟饋以梁肉麾而去之

却其布練

陳姚察為吏部尚書有私門生送南布一端花練一匹
察曰吾所衣止是麻布蒲練此物於吾無用幸不煩耳
此人遂請察厲色驅出

不以口腹累人

閔仲叔隱居不仕好食猪肝安邑令聞之令吏常給仲叔仲叔曰吾豈以口腹累人遂去安邑之沛

高士傳

不受潤筆

常貫之為尚書右丞長安中爭為碑誌若市買然大官萃其門如市至有喧競構致不由喪家是時裴均之子圖不朽於貫之縑帛萬匹貫之舉手曰寧餓死不苟取

辭封妾

唐宣宗舅鄭光鎮河上封其妻為夫人不受表辭曰

白屋同愁已失鳳鳴之侶朱門自樂難容烏合之人上
笑曰誰教阿舅作此好事

辭賻贈

曹修古者四御史之一也明道初因上言請太后還政
謫守興化暴死于室郡僚及鄉之賢者相與率錢十萬
以贍其家修古有女始笄告其母曰先人忠節名聞天
下今不幸直言謫死且君子不家於喪此錢決不可受
以挽我先人全德哭而不謝遣之送者固請一錢竟不

受

辭田

張正議與种世衡善及持父喪世衡遺以汝州田十頃
固辭不受使者在途而世衡已卒其子以父命不復受
蕪廢者五十年元豐中郡守劉斐請以田給州學朝廷
不許遂命還种氏

辭盤飧

石徂徠介為舉子時讀書于南都時侍郎王濟聞其窮

困因餉客授以盤飧却而不受曰今日固好明日如何

辭衣

橫浦幼年處學正當苦寒衣衾不備鄉里富人以襲衣為送者亦却不受曰士處貧苦正是做工夫時節若不痛自節抑則貪慾心生廉恥喪矣工夫何在

辭衣襪

劉秘丞道原家極貧然一文不妄取於人冬寒歸自洛陽時無衣具司馬溫公以一二衣襪及一貂褥贐之固

辭強之乃受及至潁川悉封以反溫公曰於先不受於他人肯受乎

古今文集

雜著

送梅及鵝

吳人多謂梅子為曹公以其嘗望梅止渴也又謂鵝為右軍有一士人遺醋梅與燂鵝作書云醋浸曹公一髡湯燂右軍兩隻聊備一饌

古詩

贈盧仝

韓愈

先生結髮憎俗徒，閉門不出動一紀。至今鄰僧乞米送，僕忝縣令能不恥。俸錢供給公私餘，時致薄少助祭祀。勸叅留守謁大尹，言語纔及輒掩耳。

揚州以土物寄少游

蘇子瞻

鮮鯽經年秘醢醢，團臍紫蟹脂填腹。後春萸茁滑如酥，先社薑牙肥勝肉。鳧子累累何足道，點綴盤殮亦時欲。

淮南風俗事瓶罌方法相傳竟留畜且同千里寄鵝毛
何用孜孜飫麋鹿

謝歐公贈絹

梅聖俞

昔公處貧我處困我無金玉可助公今公既貴我尚窘
公有縑帛周我窮古來朋儕義亦少子貢不顧顏淵空
復聞韓孟最相善身仆道路哀妻僮

答黃生

陳無已

我無置錫君立壁春黍作糜甘勝蜜綈袍不受故人意

樂餌

老子曰樂與餌過客上

肯為兒輩屈割白鷺股何足難食鷓

鷃肉未為失暮年五斗得千里不媿寒簷背朝日

時先生以

精子贈之故云

律詩

送牛尾狸與徐使君時大雪

蘇子瞻

風捲飛花自入帷一樽遙想破愁眉泥深厭聽雞頭鶻

酒淺欣嘗牛尾狸通印子魚猶帶骨

詳見廟門

披綿黃雀謾

多脂慙送去煩纖手為我磨刀削玉肌

詩話

送牛酥

宣和中有鄧其姓者守關中以牛酥百斤遺梁師成江
子我端友作牛酥行云有客有客官長安牛酥百斤手
自煎倍道奔馳少師府望塵且欲迎歸軒守閤呼語不
必出已有人居第一先其多乃復倍於此台顏顧視初
怡然昨朝所獻雖第二桶以淳漆麗且堅今君來遲數

又少青紙封題難勝前持歸定慙遼東豕努力明年趁
頭市



古今事文類聚續集卷十七

欽定四庫全書

子部

古今事文類聚續集卷十八

詳校官中書

臣孫衡

侍讀臣孫球覆勘

總校官編修

臣

王燕緒

校對官中書

臣

潘奕雋

謄錄監生

臣

陳太初

欽定四庫全書

古今事文類聚續集卷十八

宋 祝穆 撰

燈火部

燈

燈業

羣書要語燈火也燈燭燼曰施

似也切
說文

膏以明自煎

漢書

焚蘭膏以繼晷

進學解

金缸銜壁是為列錢注燈盞列於

室有似列錢

班固賦

輝輝朱熿焰焰紅螢

庾信賦

燼長宵久

光青夜寒

同上

詩句含光似燭龍

謝朓

夢覺燈生輝

謝朓

燈殘猶未滅將盡

更含輝

紀少瑜

頭白燈明裏何須花燼繁

杜

燈花何太喜

酒綠正相親

杜

燈影照無寢

杜

燈火稍可親簡編可卷

舒

韓

夜擁翠幙張紅燈

歐

古今事實

燈花占瑞

樊噲問陸賈曰自古人君受命於天云有瑞應豈有是

乎賈曰目瞶得酒食燈花得錢財乾鵲噪而行人至蛛
蛛集而百事喜小既有徵大亦宜然

西京雜記

豹髓鳳膏

武帝既耽於靈恠嘗得丹豹之髓白鳳之膏磨青錫為
屑以純蘇油和之照於神壇夜暴雨火光不滅有雙蛾
如蜂赴侍者舉麟鬚之拂以駢之

洞冥記

燃燈宮中

漢武帝祈王母於宮中燃九光之燈

內傳

逼嫁燃燈

見婚嫁門

燈下鬼現

嵇中散燈下彈琴忽有一人面甚小斯須轉大遂長尺
餘單衣草帶嵇視之既熟吹其燈滅曰吾耻與鬼魅爭
光

衣帶炷燈

皇甫無逸為益州長史嘗夜宿人家遇燈炷盡主人將
續之無逸抽佩刀斷衣帶以為炷其耿介如此

擁油禁松明

唐昭宗時財用窘乏李茂正令擁油以助軍須俄有司
言官油沽賣不行多為松明攙奪乞行禁止蓋民間燃
松明為燈故也優人張廷範曰更有一利便可并月明
禁之茂正大笑松明之禁遂止

易齋
語林

掌中可照

佛圖澄預知劉曜之敗令童子潔齋七日取麻油合燕
支躬自研於掌中舉手示童子粲然有輝童子驚曰有

軍馬甚衆見一人長大白皙以朱條縛其肘澄曰此即曜也勒甚悅遂赴洛拒曜生擒之

晉藝術傳

燃燈密室

置燈帳中

並見勤學門

作鴈足燈

係燈檠

黃山谷與党伯丹書云欲作錫燈檠一枚高七寸盤濶六寸足作三鴈足不須高受盞圈徑二寸半盞面三寸著盞傍作小圈如釵股屈之雁足燈漢宣帝上林中燈

制度極佳至今士大夫家有之

古今文集

雜著

長明燈頌

高邁

離婁之目處闇室或不能覩燈處之皎如也澄公之掌
在玄夜或不能照燈在之了如也故大雄氏以方便力
救黑暗界藉其光誘其人佛所以有燃燈名法所以有
傳燈義大抵長明燈是其蘊乎夫日主晝太陽之精中

則晃晃則沒我長明燈不沒月主夜太陰之精滿則虧
虧則盡我長明燈不盡日月尚爾況小光小明哉要自
積苦為海舉足見溺積邪為山舉足見礙竟不能髣髴
之或髣髴之不克成就之言之可為長歎我邑中有俊
傑主此燃燈精進成就於寶融寺藏經院且夫蘭炷藝
火吾見其盛未見其微也鐵盆盛膏吾見其增未見其
減也一籠而四時長花滿室而終歲不夜人見之一作
禮眼蒙利再作禮心蒙美眼目相照了內外由是洞徹

然則終日見燈未嘗見燈終日不見燈未嘗不見燈夫
達觀者乃如是也意者不獨如此直上照一天二天乃
至三十三天無門不開恒沙善人由茲而入直下照一
地二地乃至一十八地有獄皆開多劫罪人由茲而出
若然者四維上下虛空可思量不可思量耶我長明燈
實相功德亦復如是邁三數年內願銘頌之間迫賤事
未構斯文一朝染目疾朦朧不自審從何得也遂夢神
人語邁曰子於長明燈其有負乎邁應聲而寢寤而起

起而作頌明日目愈頌曰

見外燈長明見內燈長明萬惡自光中滅萬善自光中
生不見一燈百千萬億燈乃至於無窮不見一人百千
萬億人歸之於大同空即是色色即是空弟子作頌允
執厥中

燈花讚

宋白

灼灼燈華耿耿秋夕人愛其才我愛其客

律詩

燈花

梅聖俞

灼灼生寒燼終朝照席明
從教占有驗燃滅本無情

燈花

韓愈

今夕知何夕花燃錦帳中
自能當雪暖那肯待春紅
囊裏排金粟釵頭綴玉蟲
更煩將喜事來報主人翁

詠燈

石曼卿

迴鱗拍雙蒂倒鳳吐丹榮
水宇寒生暈風疏動有聲
燼垂金藕細影透玉荷清
斗帳依東壁誰人夢不成

讀書燈

張商英

小籠踈四面明紙罩孤燈自小共寒熱相親如友朋舊
書曾通照新燭莫相憎幾為吟詩苦留光到夙興

南唐烈祖在徐溫家作燈詩云

一點分明直萬金開時惟怕冷風侵主人若也勤挑撥
敢向尊前不盡心

古今
詩話

寒燈

楊廷秀

老穉都眠我獨醒寒燈半點伴三更雙花忽作蜻蜓眼

孤焰仍懸五膽瓶

燈

韓喜

分影由來恨不同
綠窓孤館兩何窮
熒煌短焰長疑暗
零落殘花旋委空
幾處隔簾愁夜雨
誰家當戶怯秋風
莫言明滅無多重
曾比人生一世中

長明燈

羅隱

破暗長明世代深
烟和香氣兩沉沉
不知初點人何在
祇見當年火至今
曉似紅蓮開沼面
夜如寒月鎮潭心

孤光自有龍神護，雀戲蛾飛不敢侵。

古詩

係燈
繫

短檠歌

韓愈

長檠八尺空自長，短檠二尺便見光。
黃簾綠幕朱戶閉，風露氣入秋堂涼。
裁衣寄遠淚眼暗，搔頭頻挑移近床。
太學儒生東魯客，二十辭家來射策。
夜書細字綴語言，兩目眇昏頭雪白。
此時提挈當案前，看書到曉那能眠。
一朝富貴還自恣，長檠高張照珠翠。
吁嗟世事無不然。

牆角君看短檠棄

詩話

燈檠精

宋潛為甘陵巡檢故人趙當訓其子弟忽見美婦人立
燈下唱曰郎行久不歸妾心傷亦苦低迷羅箔風泣背
西窓雨遂滅燈趁趙就寢曰妾本東方人鬻身彭城郡
今郎觀光上國孤眠暗室故來相伴明夜又來唱曰一
自別來音信杳相思瘦得肌膚小秋夜迢迢更漏長守

盡寒燈天未曉後又曰獨倚朱扉翠黛顰傷嗟良夜暫
相親如今且伴才郎宿應為才郎喪此身諸生怪趙精
神恍惚具告其父潛往觀焉見一婦人唱曰向晚臨鸞
拂黛眉紅天艷冶照羅幃不辭夜夜偷相訪只恐旁人
又得知宋大呼遂入以手抱之甚細視之乃一燈檠耳

焚之

雲齊
廣錄

燭

蛾 燭

羣書要語司烜氏掌以燧取火於日以供祭祀之明燭

周官

侍坐於所尊燭至起注異晝夜也

禮記

燭不見跋注跋

本也燭盡則去之

禮記

明燭宵舉則飛蟲羣起

抱朴子

蘭膏

明燭注以蘭清膏取其香也

宋玉招魂

揚丹輝之煒煒識朱

焰之煌煌

傳咸燭賦

飛蛾善拂燈一名慕光

古今注

凡草木虫

以蛹化為蛾甚衆

廣志

愚人貪財如蛾赴火

文曇賦

詩句何不秉燭遊

古詩

題詩蠟炬紅

檢書燒燭短更

長愛燭紅

杜並

庭炬折金花

唐詩

飛蛾拂明燭

張景陽

古今事實

鄰燭分光

甘茂亡秦奔齊逢蘇代為齊使秦茂曰臣聞貧人女與富人女會績貧人女曰我無以買燭而子之燭光幸有餘可分我餘光無損子明而得便焉今臣困而君方使秦茂之妻子在焉願以餘光振之 齊女徐吾者東

海上貧婦與其鄰婦李吾合燭夜績徐吾最貧而燭不屬或謂李吾曰徐吾燭數不屬請無與夜績徐吾曰妾以貧故起常先去常後掃陳席以待來者坐常處下為

貧故也今一室之中益一人燭不為益明去一人燭不為益闇何愛東壁餘光莫之能應遂復與夜續

舉燭誤書

鄭人有遺燕相國書者夜書謂持燭者曰舉燭而誤書
舉燭舉相受書曰舉燭高明高明者舉賢而任之

韓子

滅燭絕纓

楚莊王賜羣臣酒日暮燭滅有引美人衣者美人援絕
其冠纓告王王曰人醉失禮奈何欲顯婦人之節而辱

士乎乃命羣臣皆絕去冠纓然後上燭

司馬彪戰畧

不欺闇室

顏叔子曾獨居一室夜大雨比屋舍崩有一女投之叔

子令女執燭燭盡乃破屋柱續至明不貳

史

鑒壁讀書

見勤學門

不燃官燭

巴祇為揚州刺史與客坐闇暝之中不燃官燭

謝承後漢書

阿奴火攻

見兄弟門

刻燭賦詩

見詩門

以蠟燭炊

石季倫以蠟燭炊王愷以飴糖渙釜

並世說

燃燭奕碁

後魏甄琛舉秀才入都常以奕棋通夜不止手下蒼頭
奴常令執燭或時睡則加杖奴不勝痛楚乃曰郎君若
為讀書執燭不敢辭罪今博奕是何事也琛大慙遂研
習經史

蠟淚揉紙

柳公權充翰林侍書學士每玉堂召對繼之燭見跋語
猶未盡宮人以蠟淚揉紙繼之

金蓮炬

令狐綯為翰林承旨夜對禁中燭盡以金蓮花炬送還
院吏皆驚

燭奴

申王以龍檀木刻童子綠衣束帶每遇夜集列執畫燭

謂之燭奴

天寶遺事

燭圍

楊國忠每家宴使每婢執一燭四行立呼為燭圍

開元遺事

造十圍燭

五代淮南楊渥居喪晝夜酣飲作樂然十圍之燭以擊

毬一燭費錢數萬

世說

火城

宋時京師每歲正旦曉漏以前宰相三司使大金吾皆

以樺燭百炬擁馬方布象城謂之火城仍雜以衣繡鳴珂焜耀街陌如逢宰相即諸司火城悉皆撲滅

國史補

執燭燃鬚

見德量門

燃燭燃油

鄧州花蠟燭云是寇萊公法公自少富貴不點油燈雖廁溷間燭淚成堆杜祁公在官未嘗燃官燭油燈一炷與客相對二公皆名臣奢儉不同如此然祁公壽考終吉某公有南遷之禍雖其不幸亦可為戒

歸田錄

感蛾赴燭

係蛾

宋傅亮以少帝失德內懷憂懼直宿禁中睹夜蛾赴燭作感物賦以寄意焉

古今文集

雜著

燭銘

傅玄

煌煌丹燭熠熠飛光取則龍景擬象扶桑照彼玄夜炳若朝陽焚形監世無隱不彰

律詩

蠟燭

孫明復

六龍西走入崦嵫
寂寂華堂漏轉時
一寸丹心如見用
便為灰燼亦無辭

蠟燭

鄭谷

仙漏迢迢出建章
宮簾不動透清光
金闌露白新裁詔
畫閣春紅正試粧
淚滴盃盤何所恨
燼飄蘭麝暗和香
多情更有分明處
照得歌塵下燕梁

古詩

係燭
蛾

燭蛾

孟郊

燈明雙舞蛾厭生何太切想爾飛來心惡明不惡滅天
若百尺高應去掩明月

燭蛾

賀方回

鬼蛾來翩翩慕此堂上燭附炎竟何功自取焚如酷感
彼萬動微保生在無欲不見青林蟬飲風聊自足

火蛾

陳去非

陽光不照臨積陰生此類非無惜死心素有賊明意粉穿紅焰焦翅撲蘭膏沸為爾一傷嗟自棄非天棄

火

羣書要語燂蒸火也煨盆中火也爇火飛也爚火光也

說文

火化物也亦燬也物入即皆毀而壞也

釋名

五行二曰

火火曰炎上炎上作苦

洪範

司烜氏以陽燧取火於日

周禮

司燿掌火之政令季春出火季秋納火

周禮

燥萬物者莫

燠乎火

易

火者陽之精

春秋考異

火之精宋無忌

白澤圖

昏暮

叩人之門戶求水火無弗與者

孟子

詩句鄰火夜深明

杜

明燃林中薪

杜

花光漸寒日米燧

催國火

山谷

古今事實

初作燧火

古者茹毛飲血燧人氏初作燧火人始燔炙

諺周古史考

燧

人始鑽木取火春取榆柳夏取杏棗季夏取桑柘秋取

柞櫨冬取槐檀

或問四時取火何為季夏又取一番曰土旺於未
故再取之土寄旺於四季每季皆十八日是四箇
十八日計七十二日其他四行分四時亦各七十
二日共湊成三百六十日

朱語
錄

以火紀官

炎帝以火紀故為火師而火名

左

火流為烏

武王既渡河有火自上復下至于王屋流為烏其色赤

構火狐鳴

陳勝吳廣夜構火狐鳴呼曰大楚興陳勝王

里母束縕

曹參為齊相請蒯通為客初齊王田榮畔項羽劫齊處士東郭先生梁石君及榮敗二人醜之入深山隱居客謂通曰先生知梁石君東郭先生何不通之於相國乎通曰臣之里婦與里之諸母相善也里婦夜亡肉姑以為盜而逐之婦過所善諸母語以事而謝之里母即束

緼

亂蒲也

請火於亡肉家曰昨暮夜犬得肉爭鬪相殺請

火治之亡肉家遂追呼其婦故里母非譚說之士也東
緼乞火非還婦之道也物有相類事有適可臣請乞火
於曹相國廼見相國曰婦人有夫死三日而嫁者有幽
居守寡不出門者足下即欲求婦何取曰取不嫁者通
曰然則求臣亦猶是也東郭先生梁石君齊之俊士也
隱居不嫁未曾卑節下意以求仕也願足下禮之相國
曰敬受命皆以為上賓

通傳

火術不焚身

異人姚光有火術令吳王積薪千束火焚薪了盡光恬

坐灰中振衣而起

神仙傳

撥爐中火

百丈謂瀉山曰汝撥爐中有火否師撥云無火百丈躬

起深撥得火舉以示之云此不是火師發悟禮謝

傳燈錄

古今文集

雜著

火賦

晉潘尼

覽天人之至周嘉火德之為貴含太陽之靈暉體淳剛
之正氣先聖仰觀通神悟靈窮物盡數研幾至精鑽燧
改火陶冶羣形協和五味草變羶腥爾乃狄牙典膳百
品既陳和羹苗醪旨酒醲醇烹鼃煮鼉灼龜臠鱗若乃
流金化石鑠鐵融銅造製戎器以戒不恭砥鍊兵械整
飭軍容四海康乂邊境無寇韜弓戢劍解甲釋冑銷鏑
為耒鑄戈為耨戰士反於耕農戎馬放乎郊外及至焚

野燎原陸火赫羲林木摧拉沙粒並糜騰光絕覽雲散
霓披去若風驅疾若電逝紛紛紆轉倏忽橫厲震響遲
乎八冥流光燭乎四裔

古詩

夜燒松明火

蘇子瞻

歲暮風雨交客舍庾薄寒夜燒松明火照室紅龍驤快
焰初煌煌焊煙消團團幽人忽富貴綿帳芬椒蘭珠媒
綴屋角香儲流銅盤坐看十八公俯仰灰燼殘齊奴朝

饗蠟菜公夜長歎海康無此物燭盡更未闌

火災

羣書要語司燿掌行火之政令凡國失火野焚菜則有

刑罰焉

禮周

有焚先人之廟者則哭三日

禮記

火災崐岡王

石俱焚

尚書

若火之燎于原不可嚮邇其猶可撲滅

尚書

俗

云城門失火殃及池魚舊說宋城門失火自汲取池中

之水而空竭魚池也

風俗通

詩句玉石火災灰

韓

連航一炬燒

坡

上堂就焚藝

山谷

存

身旦劫灰山谷冠蓋散為煙霧盡李連屋累棟燒成灰韓

古今事實

宣榭火

成周宣榭火人火之也人火曰火天火曰災

宣十六

桓僖災

哀二年司鐸火火踰公宮桓僖災百官宮備府庫慎守
官人肅給濟濡帷幙鬱攸從之

救火者賞

魯燒積澤天北風火南向恐燒國哀公自將衆趨救火人盡逐獸而火不救及仲尼下令曰不救火而逐獸者比入禁之罪令下未徧火遂救矣

韓非子

越王思報吳冬

則抱冰夏則抱火問於大夫種曰吾欲伐吳可乎何不試焚宮室於是遂焚宮室民莫救火乃下令曰民之救火而死者比死敵之賞民之塗其體被濡衣走火者左三千人右三千人

火災而哭

成三年新宮災三日哭注三年喪畢宣公神主新入廟
故謂之新宮書三日哭善得禮宗廟親之神靈所馮居
而遇災故哀而哭之

禳回祿

鄭子產禳火於玄冥回祿注玄冥水神回祿火神也

左昭

十八

為火備

襄九年春宋災樂喜為司城以為政使伯氏司里火所

未至徹小屋涂大屋陳畚揭具綆在備水器量輕重蓄
水潦積土塗巡丈城繕守備表火道使華臣具正徒令
隧納郊保奔火所使華閱討右宮官庀其司向戍討左
亦如之使樂端庀刑器亦如之使皇郎命校正出馬工
正出車備甲兵庀武守使西鉏吾庀府守令司宮巷伯
倣宮二師令四鄉正敬享祝宗用馬于四墉祀盤庚于
西門之外晉侯問於士弱曰吾聞之宋災於是乎知有
天道何故對曰古之火正或食於心或食於味以出內

火是故味為鶉火心為大火陶唐氏之火正閼伯居商丘祀大火而火紀時焉相土因之故商王大火商人闕其禍敗之釁必始於火是以日知其有天道也公曰可必乎對曰在道國亂無象不可知也

襄公九

占火不驗

昭十八夏五月火始昏見丙子風裨竈曰不用吾言鄭又將火鄭人請用之子產曰天道遠人道邇非所及也何以知之竈焉知天道是亦多言矣豈不或信遂不與

亦不復火

火焚藏室

晉平公藏貨之臺燒救火三日三夜乃勝之公子晏東帛而賀曰臣聞王者藏於天下諸侯藏於百姓農夫藏於困庾今百姓乏於外而賦歛無已昔桀紂殘賊為天下戮今皇天降災於藏臺此是君之福也

韓詩外傳

廐焚不問馬

見馬門

照燕窠延火

秦始皇時吳宮吏以火照燕窠因燒吳宮

六帖

焚秦宮室

項王西入咸陽殺秦降王子嬰焚其宮室火三月不滅
故杜牧阿房宮賦曰楚人一炬可憐焦土

火災不憂

見救荒門

曲突徙薪

見竈門

起屋厭災

漢栢梁殿焚粵人勇之言粵俗有火災復起屋必以大

用勝服之於是作建章宮千門萬戶

郭祀志

噀酒救火

藥巴為尚書郎王朝大舉巴獨後到得酒不飲西南噀之有司奏巴大不敬巴謝曰臣本縣成都失火故噀酒以為雨後成都奏火得雨而滅雨中作酒氣也

本傳

郭慮

從南郊含酒東北三噀曰齊失火以厭之後齊果上火

災

汝南先賢傳

樊英隱於臺山嘗有黑氣從西方起英謂學

者成都市火甚盛因含水西北漱之乃令記其日後有

從蜀來者云是日大火黑雲平旦從東起須臾大雨火
遂得滅

降雨滅火

劉昆除江陵令時縣連年火災昆輒向火叩頭多能降
雨止風帝問反風滅火虎北渡河何致此昆曰偶然帝

曰此長者之言也

本傳

失火救棺

鄧暉為長沙有義士古初遭父喪未葬鄰人火起及初

舍棺不可移初冒火伏棺上會火滅

東觀漢記

劉殷曾祖母

柩在殯西鄰失火風颭甚盛殷夫婦叩殯火災遂越

燒東家

前趙錄

積油生火

積油萬斤則自然生火秦始中武庫火積油所致也

博物志

志

火災償失

梁鴻牧豕長安上林苑中失火延人家問所燒物悉推

豕償之其主言少鴻願以身作躬執其勤

民安夜作

廉范為蜀郡成都地迫屋狹百姓夜作以供衣食又禁
火民復敝之失火者自罪范令夜作但使儲水百姓皆
悅

夢馬拍手

馬興平問索綰曰我昨夜夢舍馬舞數十人向馬拍手
何也綰曰馬者火也舞為火起向馬拍手救火人也平

步歸而火起

火焚故寶

張華為司空武庫火華懼趙王倫變作列兵固守然後救之故累代之寶及王莽頭孔子履盡焚見漢高斬蛇

劍穿屋而飛

晉書

因火知量

晉王獻之與兄徽之共在一室忽然火發徽之遽走不遑取履獻之神色恬然徐呼左右扶出齊褚彥回宅

失火煙爛甚逼左右驚擾彥回神色怡然索輿徐去

烈婦赴火

梁姑姊其室失火兄子與二子在內欲取兄子輒得其
子火盛不得復入婦人曰梁豈可戶告人曉耶被不義
之名何面見兄弟國人哉遂赴火而死

列女傳

疑為人所藝

齊沈冲吳興人與兄淡深並歷御史中丞被按裁者多
怨冲母在東鄰家失火疑為人所藝大呼曰我三兒皆

御史中丞與人豈有善者方恐肌分骨散何但焚如故
論者曰沈母致懼中丞其戒深矣

臺官不救火

太和二年昭德寺火延禁中宮人死者數百人宰相兩
省官京兆尹樞密皆集日華門督神策軍救火獨御史
府不至溫造自劾曰臺官擊賊恐人緣以為姦

州多火災

永州多火災五年之間四為大火所迫跣足出壞牆壁

穴牖僅免燔灼一遇火恐累日茫洋不能出言

柳文

祝融陰相

柳子厚賀進士王參元失火書云僕始聞而疑終乃大喜人多言足下家有積貨士之好廉名者皆畏忌不敢道一出口則嗤嗤以為得重賂今乃幸為天火之所滌蕩黔其廬赭其垣以示其無有而足下之才乃可以顯白而不污其實出矣是祝融回祿之相吾子也

柳文

不焚儒家

黃巢圍福州過崇文館黃璞家令曰此儒者家滅炬弗焚

天降火災

糜竺嘗從洛歸未至家數十里見路次有好新婦從竺求寄載行三十餘里新婦謝去謂竺曰我天使去當往燒海東糜家感君見載故以相語竺因請之曰不可不得不燒君快去我緩來日中必火發竺乃急行達家便出財物日中而火大發

搜神記

宋初火禁嚴

宋太祖時內酒坊火悉以監官而下數十人棄市遺火

卒縛投火中自是諸司莫不整肅

楊公
談苑

奸民縱火

時金陵多火災居者不安乖崖公廉知皆奸民所為潛

捕得之乃命先折其脛斬之以徇火患遂息

神道
碑

古今文集

雜著

逐畢方文

柳宗元

永州元和七年夏多火災日夜數十發少尚五六發過
三月乃止八年夏又如之人咸無安處老弱燔死晨不
爨瞑不燭皆列坐屋上左右視罷不得休蓋類物之為
者訛言相驚云有怪鳥莫實其狀山海經云章義之山
有鳥如鶴一足赤文白喙其名曰畢方見則其邑有譌
火若今火者其可謂譌歟而又有怪鳥傳者其畢方與
遂邑中狀而圖之襍而除之為之文而逐之曰后皇庇

人兮敬授羣材大施棟宇兮小蔽草萊各有攸宅兮時
闔而開火實為用兮化食生財胡舉狀之怪戾兮日十
藝而窮灾朝儲清以聯遠兮夕蕩覆而為灾焚傷羸老
兮灰死童孩呌號隕突兮戶駭人哀袒夫狂走兮倏忽
往來鬱攸蘖暴剝兮堤合恢台民氣不舒兮僵踣顛頽
休炊息燎兮仄伏煨燂門薨晦黑兮啟伺奸回若墜之
天兮若生之鬼兮行不訛兮國恐盍已問之禹書畢方
是崇嗟爾畢方兮胡肆其志皇宣聰明兮念此下地災

皇所愛兮僂死無貳幽形扇毒兮陰險詭異汝今不懲
兮衆愬咸至皇斯震怒兮殄絕汝類祝融悔禍兮回祿
屏氣大陰施威兮玄冥行事汝雖赤其文隻其趾呈工
術巧莫救汝死黠知亟去兮愚乃止此高飛兮翱翔遠
伏兮無傷海之南兮天之裔汝優游兮可卒歲皇不怒
兮永汝世日之良兮今速逝急急如律令

京師火禁嚴

京師火禁甚嚴將夜分即滅燭故士庶家凡有醮祭者

必先關廂吏以其焚楮幣在中夕之後也至和嘉祐之
間狄武襄為樞使一夕夜醮而勾當人偶失告報中夕
驟有火光探卒馳白廂主又報開封知府到宅則火滅
久矣翊日都下盛傳狄相公家有光怪燭天者時劉敞
為知制誥聞之語權知開封府王素曰昔朱全忠居午
溝夜光怪出屋鄰里謂失火而往救則無之今日之異
得無類此此語喧於搢紳間狄不自安遽乞陳州遂薨
於鎮而夜醮之事竟無人為辨之者

東軒

奏罷營繕弭災

王清昭應宮災守衛者皆坐繫御史獄王文康公上疏
曰昔魯桓僖宮災孔子以為桓僖親盡當毀者也遼東
高廟及高園便殿災董仲舒以為高廟不當居郡國便
殿不當居鄰房故災魏崇華殿災高堂隆以為天以臺
榭宮室為戒宜罷勿治文帝不聽明年復災今所建宮
不應經義災變之來若有警者願除其地罷諸禱祠以
應天變仁宗與太后感悟遂薄守衛者罪已而詔以不

復繕修諭天下

言行錄

跋詞科舊藁後

周子充

紹興丙午四月予任行在和劑局門官所居在漾沙坑
與運屬王某共席屋數椽動息相聞王夜奏闕其婢插
紙燈于壁火然而走延燒首及予家生計一空而周某
為著作佐郎亦預焉其從叔某執法殿中而馮某為監
察御史宰相欲媚其從叔某張大其事以為周某地自
三省樞密院至三衙皆致銀絹未閱月遷著作郎隨擢

起居舍人時臨安帥韓某知火自王氏以其為馮某妻
弟不敢問執予小童抑使伏辜於是有旨周必大放罷
朝士多勸予訟寬力既不敵又前占卦影明言財傷官
磨豈復尤人徑叅部授福州永福簿外舅力勉予試詞
科偶中選授金陵教授其後忝厯清貴實基于此乃知
事皆前定人力何有因書詞科舊藁後為安分不爭者
之勸

古詩

武陵觀火

劉禹錫

楚鄉祝融分炎火常為虞是時直突煙發自晨炊徒盲
風扇其威白晝曛陽烏操綆不暇汲循情寧避踰怒如
烈缺光迅與焚輪俱聯延淹四達赫奕成洪爐洵疑雲
濤翻颯若鬼神趨當前迎熒施是物同膏腴金烏入梵
天赤龍遊玄都騰烟透窻戶飛焰生藥爐火山摧半空
星雨灑中衢瑤壇被髹漆寶樹攢珊瑚花縣與琴焦旗
亭無酒濡市人委百貨邑令遺雙鳧餘勢下隈隩長烟

烘舳舻吹熒照水府炙浪愁天吳災罷雲日晚心驚視
聽殊高灰辨廩庾黑土連閨閣衆燼合星羅遊氛燥人
膚厚地藏宿熱遙林呈驟枯火德真生人庸可一日無
御之失其道歆石彌天隅晉庫走龍劍吳宮傷燕雛五
行五沴氣先哲垂訏謨宋鄭同日起時當賢大夫無苛
自可樂弭患非所圖賢守恤人瘼臨烟駐驪駒吊傷色
慘怛唁失辭勦愉下令蠲里布指期輕市租開垣適未
立苦蓋自相娛山木行剪伐江泥宜堽塗魯臣不必葺

何用徵越巫

雲龍山觀燒得雲字

蘇子瞻

丁女真水妃

左昭九年注火畏水故為之妃

寒山便火耘隕霜知已殺

坏戶照初焚束縕方熠燿敲石俄氤氲落點甘泉烽橫

烟楚塞氛窮蛇上喬木潛蛟躡浮雲驚飛墮傷鳩狂走

迷癡磨谷蟄起蜩燕山妖竈夔獷野竹爆哀聲幽桂飄

冤芬悲同秋照蟹快若夏燎蚊火牛入燕壘燧象奔吳

軍崩騰井陘口萬馬皆朱幘搖曳驪山陰諸姨爛紅裙

方隨長風捲忽值絕澗分我本山人習見匪獨聞偶
從二三子來訪張隱君君家亦何有物衆移朝曛把酒
看飛燼空庭落續紛行觀農事起畦隴如縠紋細雨發
春穎嚴霜倒秋蕒始知一炬力洗盡狐兔羣

律詩

燒

劉彥冲

惹草熒熒焰隨風烈烈聲欲臨橫澗斷忽上晚峯明蹠
蹠無潛迹蒙茸有怒生尚餘飛燼暖培耔及春耕

火後借居君子亭

陳去非

祝融回祿意佳哉
挽我梅花樹下來
一夜東風不知惜
月明滿樹十分開

火後問舍至城南有感

陳去非

魂傷瓦礫滿曾遊
尚想奔煙萬馬遒
遂替黃兒作正月
絕知回祿相巴丘
書生性命驚頻試
客子茅茨費屢謀
唯有君山故窈窕
二眉晴綠向人浮

詩話

唐火禁嚴

費袞云唐火禁嚴甚罪抵死元微之連昌宮詞叙覓念
奴事云須臾覓得又連催特敕街中許燃燭街中燃燭
亦常事至特勅乃許則火禁之嚴可知然吳元濟拒命
禁人偶語於塗夜不燃燭裴晉公既平蔡遂弛其禁往
來者不限晝夜蔡人始知有生之樂而中朝之法亦嚴
不知裴公弛禁之後當時又何以處此哉

薪

羣書要語薪之槩之

槩 槩

以薪以蒸注大曰薪小曰蒸

無羊

析薪如何匪斧不克

伐 柯

問士之子長幼長曰能負薪幼

曰未能負薪

曲 禮

厥父析薪其子弗克負荷

左 傳

桴桮木頭

也

說 文

詩句破竈鬱生薪

坡

稚子松間拾墮樵

荆 公

旋斫生松帶

葉燒

古今事實

披裘採薪

季札去徐而歸行道逢男子五月被裘採薪於道旁有委金季札見之謂薪者曰子來取此金薪者曰君舉止何高視何下也五月被裘採薪寧是拾金者乎

吳越春秋

薪貴於桂

見謁門

擔薪誦書

朱買臣擔束薪行且誦書妻羞之求去

後薪居上

汲黯謂武帝曰陛下之於羣臣如積薪耳後來者居上

抱薪爇火

見飯門

求薪急歸

蔡順性至孝順少孤養母嘗出求薪有客卒至母望順不還乃噬其指順即心動棄薪馳歸恐問其故母曰有急客來吾噬指以悟汝耳

能辨勞薪

荀勗在晉武帝坐賜食荀進飯即謂坐人曰此乃勞薪炊也坐者未之信帝密遣問外答曰實是故車脚

供薪水

見奴僕門

撤屋而炊

梁阮孝緒家貧無以饗僮妾竊鄰人樵以繼火孝緒知之乃不食更令撤屋而炊所居室唯有一林竹樹環繞

燃薪誦書

見勤學門

古今文集

雜著

積薪賦

并序

李德裕

此郡巖壑重複榛林鬱盛樵採之子未嘗輟音往往汭
流而下詣予求售予因積薪于庭切有所歎乃為積薪
賦

邈崖居之幽遠有楚澤之放臣方絕學以自饜誠未暇
於披榛悲顏子之飯煤感萊蕪之生塵時束縵以請火
訪蓬茨於善隣乃遇樵客維舟水濱予訊之曰樵採賤
業常棲隱淪詩既詠於刈楚傳亦歎於析薪爾豈延瀨
之客不取金而且貧豈叔敖之子以好廉而苦辛何乃

負擔不已其生實勤客顧予而歎曰貴則近禍富多不
仁寄迹於此以養吾真善大雅之知言信菑莪之可詢
既而交加積累高下齊均轟若并幹疊似龍鱗避沈泉
而無浸先曲突以斯陳苟知防患之術終無焦爛之賓
嗟長孺之昧道常喻此而求伸雖後來之高處亦居上
之先焚使薪為能言之物豈容入爨而揚芬未若生幽
崖之側糾芳桂之輪不近野田之燎免罹匠者之斤冒
霰雪以終歲齊天年於大椿

燭薪賦

張文潛

歲暮苦寒烈風不休先生家貧衣無重裘讀書夜闌爐炭已灰先生瑟縮淒然不怡顧謂童子與薪皆來童子曰是薪也陳之壁間自春徂冬風日所煨埃塵所蒙固瀋液之乾竭枵外槁而中空唯利從燭無所獻功與火相得赫然大烘堅枿勁節久而後燃後羣枯而效技又熒熒而不烟於是先生欣然環坐皆喜或裸股出足或引手張臂窮谷蕭條薪炭如土蓋取之而不竭顧此樂

之甚富又何必琴材修直獸形攫搏漠壁之椒效暖魏
宮之金辟寒誰知空山寒夜之叟敢傲溫於狐貉之前
今供上方炭
率搏成獸形

律詩

田園雜興

范至能

楮拙無煙雪夜長地爐煨酒煖如湯莫嗔老婦無盤飣
笑指灰中芋栗香

炭

羣書要語炭燒木也

說文

掌炭掌灰物炭物之徵令以時

入之

周禮

季秋乃命伐薪為炭

月令

詩句倚爐不覺暖熾炭屢以添

韓

暗火埋濕炭

坡

陋邦

病且貧數米銖稱炭

坡

薄飯午不羹空爐夜無炭

荆公

竹

鷄呼我出華胥起滅篝煙擁燎爐

荆公

撥盡寒爐一夜灰

呂蒙

正

古今事實

身墮爐炭

邾子在門臺臨庭閭以瓶水沃庭邾子望見之怒閭曰

夷射姑旋

小便也

焉命執之弗得滋怒自投于床沸

墮也于

鑪炭爛遂卒

吞炭為啞

見刺客傳

屑炭作獸

晉羊琇字稚舒景獻皇后從弟性奢侈洛下少林木炭貴如金琇乃擣小炭為屑以物和之作獸形後何劭之徒共集乃以置酒火爇猛獸皆開口向人赫赫然諸豪

貴皆效之

語林

屑炭塑鳳

楊國忠以炭屑塑成雙鳳

開元遺事

作炭岸崩

見命門

石炭

豐城萍鄉二縣皆產石炭於山間掘土黑色可燃有火而無焰作硫黃氣既銷則成白灰

古今文集

雜著

炭頌

范至能

予病衰大冬非附火不暖既銘被爐又作炭頌

燔木不灰化為精堅是裹至陽維火之傳雪霾六虛冰
塞九淵環堵之室天不能寒有赫神物斡流化甄尺璧
寸珠罔功汗顏我維德之莫之名言既煥既安與之窮
年

古詩

買炭

蘇子由

苦寒挖病骨絲續莫能禦折薪燎枯竹勃釐煙充宇西
山古松櫪材大招斤斧根槎委溪谷龍伏熊虎踞挑抉
靡遺餘陶穴付一炬積火變深黧牙角猶忿怒老翁睡
破氈正晝出無屨百錢不滿簋一坐幸至莫御爐歲增
貢圈直中常度問閭不敢售根節姑付汝升平百年後
地力已難富知夸不知嗇俛首欲誰訴百物今盡然豈
惟一炭故我老或不及預為子孫懼

答友人贈炭

孟郊

青山白屋有仁人，贈炭價重雙烏銀。
驅却坐上千重寒，燒出爐中一片春。
吹霞弄日光不定，暖得曲身成直身。

賣炭翁

苦宮市也

白居易

賣炭翁伐薪燒炭南山中，滿面塵灰煙火色。
兩鬢蒼蒼十指黑，賣炭得錢何所營。
身上衣裳口中食，可憐身上衣正單。
心憂炭賤願大寒，夜來城外二尺雪。
曉駕炭車輾冰轍，牛困人饑日已高。
市南門外泥中歇，翩翩兩騎

來是誰黃衣使者白衫兒手把文書口稱敕迴車叱牛
牽向北一車炭千餘斤官使驅將惜不得半疋紅紗一
丈綾繫向牛頭充炭直

雪晚舟中生火

楊廷秀

烏銀見火生綠霧便當水沉一濃炬却因斷續更氤氲
散作霏微緩袍袴須臾霧霽吐紅光炯如雲表升扶桑
陽春和日曛滿室蒼顏渥丹疑醉鄉忽然火冷霧亦滅
只見紅爐堆白雪牕外雪深三尺強牕裏雪深一寸香


烏銀玉質金石聲見火忽學爆竹鳴
膈膈膊膊久不停
白日坐上飛繁星不知何怒泄不平
不知何喜唧唧吟
待渠自靜勿與爭切莫惜箸怒復生
到渠絨口兩耳熱
銅瓶在旁却饒舌

彭城舊無石炭元豐元年十二月始遣人訪
於州之西南白朮鎮之北以治鐵作兵犀利
勝常

蘇子瞻

君不見前年雨雪行人斷城中居民風裂骨
溫菽半束

抱衾裯日暮敲門無處換豈料山中有遺寶磊落如礪
萬車炭流膏迸乳無人知陣陣腥風自吹散根苗一發
浩無際萬人鼓舞千人看投風潑水愈光明爍玉流金
是精悍南山栗林漸可息北山頑礦何勞鍛為君鑄作
百鍊刀要斬長鯨為萬段



古今事文類聚續集卷十八